



BAHAGIAN KAWALAN RACUN PEROSAK DAN BAJA
JABATAN PERTANIAN
(Department of Agriculture)
WISMA TANI, TINGKAT 4-6
JALAN SULTAN SALAHUDDIN
50632 KUALA LUMPUR
MALAYSIA



Tel : 603-2030 1400
Faks : 603-2691 7551
Laman Web: www.doa.gov.my

Ruj. Kami : JP/KRP/207/12/656/2
(Our Ref.) Jld.VI (87)

Tarikh : 4 Mei 2020
(Date)

KEPADA YANG BERKENAAN

SURAT PEKELILING LEMBAGA RACUN MAKHLUK PEROSAK
BILANGAN 6 TAHUN 2020

AKTA RACUN MAKHLUK PEROSAK 1974
Pakej Rangsangan Pendaftaran Semula Racun Makhluk Perosak Akibat
Pandemik COVID-19

TUJUAN

Surat Pekeliling ini bertujuan untuk memaklumkan kepada syarikat pendaftar tentang pemberian Pakej Rangsangan Pendaftaran Semula Racun Makhluk Perosak Akibat Pandemik COVID-19.

Keputusan ini diambil sebagai langkah untuk memastikan proses pendaftaran semula racun makhluk perosak yang terjejas akibat penularan wabak COVID-19 dapat diuruskan dengan lebih efisien dengan mengambil kira prosedur yang sewajarnya demi kepentingan industri pertanian negara.

Sehubungan dengan itu, Lembaga telah memutuskan bahawa semua syarat yang digariskan dalam pekeliling ini perlu dipatuhi oleh syarikat pendaftar.

SYARAT – SYARAT PEMBERIAN PAKEJ RANGSANGAN PENDAFTARAN SEMULA RACUN MAKHLUK PEROSAK AKIBAT PANDEMIK COVID-19

Pakej Rangsangan yang diberikan ini adalah tertakluk pada perkara-perkara dan situasi yang dinyatakan seperti berikut:-

1. **Pakej Rangsangan 1** : Permohonan Pendaftaran Semula Yang Telah Diterima Pada Bulan Mac 2019 – Mac 2020
 - a. Bagi pakej rangsangan ini, kelulusan secara '**interim**' akan diberikan kepada syarikat pendaftar bagi permohonan pendaftaran semula untuk tempoh selama **satu (1) tahun sahaja** iaitu dari 1 Julai 2020 hingga 30 Jun 2021;
 - b. Tiada Sijil Pendaftaran Racun Makhluk Perosak yang akan dikeluarkan sepanjang tempoh kelulusan '**interim**' ini;
 - c. Bagi pelaksanaan kelulusan '**interim**' ini, **Surat Kelulusan Sementara (Interim) dan Borang Perakuan Penerimaan Kelulusan Sementara PL (Interim)** akan dikeluarkan pada syarikat pendaftar **bersama** dengan surat 'query' penilaian teknikal dan label (jika ada);
 - d. Syarikat pendaftar adalah wajib untuk memberikan maklumbalas terhadap 'query' dan selesaikan 'query' tersebut dalam tempoh **masa tidak kurang dari satu (1) tahun** selepas tarikh kelulusan '**interim**' diberikan. Sekiranya syarikat pendaftar tidak memberi sebarang maklumbalas dalam tempoh tersebut, pendaftaran semula produk secara automatik akan **dibatalkan** serta tiada sebarang rayuan dibenarkan, dan produk tersebut perlu didaftarkan sebagai pendaftaran baru dan mengikut prosedur pendaftaran baru;
 - e. Sijil Pendaftaran Racun Makhluk Perosak hanya akan dikeluarkan setelah tamat kelulusan '**interim**' dan syarikat telah menjawab serta menyelesaikan semua 'query'. **Tarikh sah pendaftaran** yang akan dicetak pada Sijil Pendaftaran Racun Makhluk Perosak adalah bermula pada 1 Julai 2020 hingga 30 Jun 2025 (1 tahun kelulusan '**interim**' + baki 4 tahun); dan
 - f. Tiada bayaran fi yang akan dikenakan bagi kelulusan secara '**interim**' ini. Syarikat pendaftar hanya perlu membuat bayaran fi kelulusan setelah semua urusan berkaitan pendaftaran semula ini selesai.

2. **Pakej Rangsangan 2** : Permohonan Pendaftaran Semula Yang Tidak Diterima Akibat Pelaksanaan Perintah Kawalan Pergerakan (PKP)
 - a. Bagi Pakej Rangsangan ini, permohonan untuk pendaftaran semula **akan diterima** selepas tamat tempoh Perintah Kawalan Pergerakan (PKP), termasuk produk-produk yang telah tamat tempoh pendaftaran dalam tempoh PKP;
 - b. Tarikh penerimaan permohonan adalah pada **1 Ogos 2020**; dan
 - c. Permohonan ini akan diproses seperti biasa sehingga mendapat kelulusan dari Lembaga.

3. **Pakej Rangsangan 3** : Permohonan Pendaftaran Semula Yang Diterima Selepas Tempoh Perintah Kawalan Pergerakan (PKP) Tamat
 - a. Bagi Pakej Rangsangan ini, **keutamaan** dalam proses kelulusan akan diberikan pada produk-produk yang akan tamat tempoh pendaftaran (yang dijangka tamat pada bulan Oktober 2020, November 2020, Disember 2020, Januari 2021 dan Februari 2021); dan
 - b. Tarikh penerimaan permohonan adalah pada **1 Ogos 2020**.

4. **Pakej Rangsangan 4** : Permohonan Pendaftaran Semula Yang Telah Diterima Sebelum Bulan Mac 2019
 - a. Bagi Pakej Rangsangan ini, permohonan pendaftaran semula produk akan **diproses seperti biasa dan dipercepatkan** sehingga mendapat kelulusan dari Lembaga.

TARIKH KUATKUASA

Surat Pekeliling ini berkuatkuasa **serta-merta**.

“BERKHIDMAT UNTUK NEGARA”

Saya yang menjalankan amanah,



(MOHAMMAD NAZRUL FAHMI BIN ABDUL RAHIM)

Setiausaha

Lembaga Racun Makhluk Perosak

s.k :

Pengarah Eksekutif, MCPA

SOALAN LAZIM (FAQ)
SURAT PEKELILING PAKEJ RANGSANGAN PENDAFTARAN SEMULA RACUN
MAKHLUK PEROSAK AKIBAT PANDEMIK COVID-19
(BILANGAN 6 TAHUN 2020)

| BIL. | SOALAN | JAWAPAN |
|------|---|---|
| 1 | Permohonan pendaftaran semula yang manakah yang layak diberi keistimewaan Pakej Rangsangan 1 iaitu kelulusan secara 'interim'? | Permohonan pendaftaran semula yang telah diterima oleh Lembaga pada bulan Mac 2019 – Mac 2020 sahaja yang layak dan akan diberi kelulusan secara 'interim' atau Pakej Rangsangan 1. |
| 2 | Berapa lamakah kelulusan 'interim' ini diberikan? | Kelulusan secara 'interim' akan diberikan kepada syarikat pendaftar bagi permohonan pendaftaran semula untuk tempoh selama satu (1) tahun sahaja iaitu dari 1 Julai 2020 hingga 30 Jun 2021. |
| 3 | Apakah bentuk kelulusan 'interim' ini memandangkan Sijil Pendaftaran Racun Makhluk Perosak tidak dikeluarkan sepanjang tempoh tersebut? | Kelulusan 'interim' ini adalah berdasarkan kepada Surat Kelulusan Sementara (Interim) dan Borang Perakuan Penerimaan Kelulusan Sementara PL (Interim) yang akan dikeluarkan oleh Lembaga. |
| 4 | Adakah syarikat pendaftar boleh menjalankan aktiviti pengimportan, penjualan dan pengilangan dalam tempoh kelulusan 'interim' ini? | Syarikat boleh menjalankan aktiviti pengimportan, penjualan dan pengilangan dalam tempoh kelulusan 'interim' ini. Syarikat dikehendaki merujuk pada Surat Kelulusan Sementara (Interim) dan Borang Perakuan Penerimaan Kelulusan Sementara PL (Interim) yang dikeluarkan oleh Lembaga. |
| 5 | Bilakah syarikat pendaftar yang mendapat kelulusan 'interim' ini boleh memohon dalam sistem DagangNet untuk mengimport racun makhluk perosak? | Pihak syarikat pendaftar yang mendapat kelulusan 'interim' boleh memohon untuk mengimport racun makhluk perosak dalam sistem DagangNet bermula pada tarikh 1 Julai 2020. |

| BIL. | SOALAN | JAWAPAN |
|------|---|---|
| 6 | Bilakah syarikat pendaftar akan menerima surat kelulusan secara 'interim' ini? | <p>Syarikat pendaftar akan menerima surat kelulusan 'interim' ini iaitu Surat Kelulusan Sementara (Interim) dan Borang Perakuan Penerimaan Kelulusan Sementara PL (Interim) bermula bulan Jun 2020.</p> <p>Selain itu, syarikat pendaftar juga akan menerima surat 'query' dari penilaian teknikal dan label (jika ada) untuk dijawab bersama-sama dengan Surat Kelulusan Sementara (Interim) dan Borang Perakuan Penerimaan Kelulusan Sementara PL (Interim).</p> |
| 7 | Apakah tindakan yang perlu dilakukan oleh syarikat pendaftar dalam tempoh kelulusan 'interim' iaitu dari 1 Julai 2020 hingga 30 Jun 2021? | <p>Dalam tempoh 1 Julai 2020 hingga 30 Jun 2021 (12 bulan) sebelum tamat tempoh kelulusan 'interim' ini, syarikat pendaftar perlu melaksanakan dan mematuhi perkara-perkara berikut :-</p> <ol style="list-style-type: none"> 1) <u>Dalam tempoh 6 bulan kelulusan 'interim' (Julai-Disember 2020):</u> <p>Syarikat pendaftar perlu membuat konsultasi bagi proses mengemukakan jawapan kepada 'query' sama ada konsultasi bersama Seksyen Penilaian Teknikal, Unit Dokumentasi dan Penyelarasan atau konsultasi draf label bersama Unit Pelabelan Produk.</p> 2) <u>Dalam tempoh 3 bulan sebelum tamat kelulusan 'interim' (Januari-Mac 2021):</u> <p>Syarikat pendaftar perlu memberikan maklumbalas yang lengkap merangkumi kesemua maklumbalas 'query' dan empat (4) keping label pruf pencetak untuk proses pendaftaran semula bagi tempoh 4 tahun baki iaitu 1 Julai 2021 hingga 30 Jun 2025.</p> |
| 8 | Jika terdapat kelulusan 'interim' 1 tahun dan kelulusan baki 4 tahun, bagaimanakah dengan tempoh sah | Bagi kelulusan secara 'interim', tarikh kelulusan selama 1 tahun bermula dari 1 Julai 2020 hingga 30 Jun 2021 akan dinyatakan pada Surat Kelulusan |

| BIL. | SOALAN | JAWAPAN |
|------|--|---|
| | <p>pendaftaran pada kelulusan 'interim' dan tempoh sah di Sijil Pendaftaran Racun Makhluk Perosak?</p> | <p>Sementara (Interim) dan Borang Perakuan Penerimaan Kelulusan Sementara PL (Interim).</p> <p>Pada Sijil Pendaftaran Racun Makhluk Perosak pula, tempoh sah pendaftaran akan dinyatakan dari tarikh bermulanya kelulusan 'interim' iaitu dari 1 Julai 2020 hingga 30 Jun 2025. Maka dengan itu, tempoh sah pendaftaran di sijil masih dinyatakan selama 5 tahun.</p> |
| 9 | <p>Bolehkah syarikat pendaftar membuat rayuan sekiranya didapati kelewatan syarikat dalam memberikan maklumbalas terhadap 'query' atau pruf pencetak dalam tempoh kelulusan 'interim'?</p> | <p>Sekiranya syarikat pendaftar tidak memberi sebarang maklumbalas yang berkaitan dalam tempoh tersebut, pendaftaran semula produk secara automatik akan dibatalkan serta tiada sebarang rayuan dibenarkan, dan produk tersebut perlu didaftarkan sebagai pendaftaran baru dan mengikut prosedur pendaftaran baru.</p> |
| 10 | <p>Mengapakah terdapat perbezaan dari segi keutamaan pada Pakej Rangsangan 2 dan Pakej Rangsangan 3?</p> | <p>Pakej Rangsangan 2 : Permohonan Pendaftaran Semula Yang Tidak Diterima Akibat Pelaksanaan Perintah Kawalan Pergerakan (PKP), di mana produk-produk adalah terdiri daripada produk yang hampir tamat tarikh sah pendaftaran tetapi tidak dapat dihantar kerana tempoh PKP yang dilaksanakan oleh Kerajaan Malaysia akibat penularan wabak COVID-19. Permohonan untuk pendaftaran semula bagi produk-produk tersebut tetap diterima pada tarikh 1 Ogos 2020 dan proses berjalan seperti biasa dan tiada keutamaan diberikan kerana syarikat pendaftar tidak patuh pada syarat yang dikenakan sebelum ini iaitu permohonan pendaftaran semula perlu dihantar tidak kurang dari tempoh 6 bulan sebelum produk tamat pendaftarannya (Kluster Kayangan).</p> <p>Manakala bagi,</p> |

| BIL. | SOALAN | JAWAPAN |
|------|---|--|
| | | <p>Pakej Rangsangan 3 : Permohonan Pendaftaran Semula Yang Diterima Selepas Tempoh Perintah Kawalan Pergerakan (PKP) Tamat, keutamaan adalah diberi pada produk-produk yang akan tamat pada bulan Oktober 2020 hingga Februari 2021 kerana syarikat pendaftar tidak dapat menghantar permohonan pada Lembaga kerana tempoh PKP yang dilaksanakan oleh Kerajaan Malaysia akibat penularan wabak COVID-19 (Kluster Pasca-PKP).</p> |
| 11 | <p>Bagaimanakah pula dengan produk-produk yang telah dihantar permohonan sebelum bulan Mac 2019 yang mana tertakluk dalam Pakej Rangsangan 4?</p> | <p>Bagi permohonan dalam Pakej Rangsangan 4 ini, permohonan pendaftaran semula produk akan diproses seperti biasa dan akan dipercepatkan sekiranya berlaku kelewatan yang disebabkan oleh masalah teknikal di pihak Lembaga.</p> |
| 12 | <p>Bagaimanakah dengan produk-produk yang telah selesai dan sedang menunggu Surat Kelulusan Tentatif (PLIV) dan Surat Perakuan Penerimaan Kelulusan Tentatif Bagi Pendaftaran Semula (PLV) untuk membuat bayaran kelulusan? Adakah turut tertakluk dalam Pakej Rangsangan yang diberikan?</p> | <p>Produk-produk seperti ini telah berada di peringkat akhir dan tidak tertakluk dalam mana-mana Pakej Rangsangan, dan proses untuk mendapatkan kelulusan pendaftaran semula adalah seperti biasa.</p> <p>Pihak syarikat pendaftar dikehendaki datang untuk membuat bayaran setelah menerima Surat Kelulusan Tentatif (PLIV) dan Surat Perakuan Penerimaan Kelulusan Tentatif Bagi Pendaftaran Semula (PLV) dalam tempoh dua (2) minggu setelah tamat tempoh PKP.</p> <p>Kelulusan yang diberikan adalah selama 5 tahun berserta dengan Sijil Pendaftaran Racun MakhluK Perosak.</p> |
| 13 | <p>Adakah dibenarkan sekiranya 'query' penilaian teknikal masih belum selesai, tetapi syarikat pendaftar ingin memuktamadkan urusan pelabelan produk?</p> | <p>Tidak dibenarkan.</p> |

| BIL. | SOALAN | JAWAPAN |
|------|--|--|
| 14 | Berapa lamakah tempoh masa untuk proses penilaian label selesai? | Sekurang-kurangnya enam (6) bulan. |
| 15 | Apakah tatacara kelulusan 'interim' setelah syarikat pendaftar menerima Surat Kelulusan Sementara (Interim) dan Borang Perakuan Penerimaan Kelulusan Sementara PL (Interim)? | Syarikat pendaftar perlu mengemukakan empat (4) keping draf label (berwarna) untuk setiap 'pack size' bersama-sama dengan Surat Kelulusan Sementara (Interim) dan Borang Perakuan Penerimaan Kelulusan Sementara PL (Interim). |